



34(05)

6-29

საქართველოს სსრ.



საბჭო. რესპუბლიკის

მუშათა და გლეხთა მთავრობის

# კანონთა და განკარგულებათა კრებული



იუსტიციის სახალხო კომისარიატის გამტყვემ

1928 წ. მაისის 24

№ 2

ნაწილი მეორე

## შ ი ნ ა რ ს ი :

### სახალხო კომისარიათა საბჭოს განკარგულებანი.

2. დადგენილება—ამხ. ნ. ი. ბახტაძის საქართველოს სსრ. საბჭ. რესპუბლიკის წყალთა მეურნეობის სამმართველოს უფროსის მოვალეობისაგან განთავისუფლებისა, ამხ. ბ. ჯ. გოჭიას საქართველოს სახელმწიფო საგვემო კომისიის თავმჯდომარის მოვალეობისაგან განთავისუფლებისა და მისი საქართველოს სსრ. საბჭ. რესპუბლიკის წყალთა მეურნეობის სამმართველოს უფროსად დანიშვნისა და კ. დ. კაკაბაძის საქართველოს სახელმწიფო საგვემო კომისიის თავმჯდომარედ დანიშვნის შესახებ.

### შინაგან საქმეთა სახალხო კომისარიატის განკარგულებანი.

3. ინსტრუქცია—ვეტინებისა, პაწია ბაირალებისა, ბელადების სერათებისა, საქველმოქმედო მარკებისა და ბეჭდვითი ნაწარმოების გავრცელების წესის შესახებ.

### იუსტიციის სახალხო კომისარიატის განკარგულებანი.

- 4. ინსტრუქცია—სახალხო შაჯუღლთა არჩევნების ჩასატარებლად 1928 წელში.
- 5. ინსტრუქცია—ს. ს. ს. რ.-ის სახალხო კომისარიათა საბჭოს 1927 წ. აგვისტოს 22-ის № 114 დადგენილების სახელმწიფო დაწესებულებათა და საწარმოთა, აგრეთვე კოოპერატიულ ორგანიზაციათა იურისკონსულტებისა და მათი მოქმედებისათვის ზედამხედველობის გაწვევის შესახებ (ს. ს. ს. რ. კან. კრებ. 1927 წ. № 8, მ. 119) ცხოვრებაში გასატარებლად.

### იუსტიციის და შრომის სახალხო კომისარიატების განკარგულებანი.

6. დადგენილებანი № 1—წერილობითი საფაბრიკო-საქარბნო ქვრდობისათვის გადასახდელის დადების შესახებ.



**განათლების და ჯანმრთელობის სახალხო კომისარიატების განკარგულებანი.**

7. ინსტრუქცია—სამედიცინო დარგში სოფლად მონუწვევთა და მათ შვილებისათვის სკოლებში შესვლის და მათში სწავლის დროს შვლავთების მინიჭების შესახებ.

**მიწათმოქმედების სახალხო კომისარიატის განკარგულებანი.**

8. ინსტრუქცია—1927 წ. 28 დეკემბრის საქართველოს საკომუნისტო დადგენილების განსაზოტრკოვლებლად წმინდა ხარისხის სათესლე მასალის ფასების დაკლებებისათვის ლონისოტებათა შილების შესახებ.

**ა.კ. ვაჭრობის სახკომის რწმუნებულის განკარგულებანი.**

9. დადგენილება № 9-128—გამომცემარ კურზე საკალა ფასების დაწესების შესახებ.

10. დადგენილება № 10-129—სამწეწველო და საკეებ საგნებზე ფასების გამოკიდების შესახებ.

11. დადგენილება № 11-130—სიმინდზე ფასების დაწესების შესახებ.

**სახალსო კომისარია საგჭოს დადგენილებაი.**

**2. დადგენილება**

ამხ. ნ. ი. ბახტაძის საქართველოს სოც. საბჭ. რესპუბლიკის წყალთა მეურნეობის სამმართველოს უფროსის მოვალეობისაგან განთავისუფლებისა, ამხ. ბ. ჯ. გოგიათ საქართველოს სახელმწიფო საგეგმო კომისიის თავმჯდომარის მოვალეობისაგან განთავისუფლებისა და მისი საქართველოს სოც. საბჭ. რესპუბლიკის წყალთა მეურნეობის სამმართველოს უფროსად დანიშვნისა და კ. დ. კაკაბაძის საქართველოს სახელმწიფო საგეგმო კომისიის თავმჯდომარედ დანიშვნის შესახებ.

საქართველოს სოც. საბჭ. რესპუბლიკის სახალხო კომისარია საბჭო აღდგენს:

1. განთავისუფლებულ იქნეს ამხ. ნიკოლოზ ივანეს-ძე ბახტაძე, მისი თხოვნის თანახმად, საქართველოს სოც. საბჭ. რესპუბლიკის წყალთა მეურნეობის სამმართველოს უფროსის მოვალეობისაგან.

2. საქართველოს სოც. საბჭ. რესპუბლიკის წყალთა მეურნეობის სამმართველოს უფროსად დანიშნოს ამხ. ბესარიონ ჯატუს-ძე გოგია, რის გამოც განთავისუფლებულ იქნეს იგი საქართველოს სოც. საბჭ. რესპუბლიკის ეკონომიურ საბჭოსთან არსებული სახელმწიფო საგეგმო კომისიის თავმჯდომარის მოვალეობისაგან.

3. საქართველოს სოც. საბჭ. რესპუბლიკის ეკონომიურ საბჭოსთან არსებული სახელმწიფო საგეგმო კომისიის თავმჯდომარედ დანიშნულ იქნეს ამხ. კირილე დიმიტროს-ძე კაკაბაძე.

საქართველოს სოც. საბჭ. რესპუბლიკის სახალხო კომისარია საბჭოს თავმჯდომარე ლ. კართველიაშვილი.

საქართველოს სოც. საბჭ. რესპუბლიკის სახალხო კომისარია საბჭ. საქმეთა მმართვე. მოადგილე ნ. სტეფანოვი.

1928 წ. აპრილის 6.  
ტფილისი—სახალხო.

## შინაგან საქმეთა სსხ. კომ. განკარგულებანი.

### 3. ი ნ ს ტ რ უ ქ ც ი ა

ეჭრონებისა, პაწია ბაირალებისა, ბელადების სურათებისა, საქველმოქმედო მარკებისა და ბეჭდვითი ნაწარმოების გავრცელების წესის შესახებ.

(ვამოცდებულია ს. ს. რ. სახ. კომ. საბჭოს დეკრეტის 18 იანვრის 1928 წ. შესასრულებლად— „კანონთა კრებული“ 1928 წ. № 1, მუხ. 9).

ა. დამზადება და გავრცელება ეჭრონებისა, პაწია ბაირალებისა, ბელადების სურათებისა და ქანდაკებათა გამობატულების და საქველმოქმედო მარკებისა.

1. დამზადება ეჭრონებისა, პაწია ბაირალებისა, რევოლიუციის ბელადების სურათებისა და ქანდაკებათა გმობატულებისა შეუძლიანთ აწარმოონ სახელმწიფო დაწესებულებებმა, საზოგადოებრივ ორგანიზაციებმა და კერძო პირებმა, ლიტერატურის და გამომცემლობის მთავარ სამმართველოდან ან მისი ადგილობრივი ორგანოებიდან ნებართვის მიღების შემდეგ.

გარდა ამისა საქველმოქმედო მარკების გამოშვების წესი ითვალისწინება ს. ს. რ. კ. სახკომსაბჭოს 1924 წ. 1 ოქტომბრის დადგენილებით („კანონთა კრებული“ 1927 წ. № 14, მუხ. 147).

2. 1 მუხლში აღნიშნულ საგნების გავრცელებას აწარმოებს:

ა) სახელმწიფო დაწესებულება და საზოგადოებრივი ორგანიზაცია—მთავლიტში ან მის ადგილობრივი ორგანოებისაგან მიღებული ნებართვის რეგისტრაციის შემდეგ (მუხ. 1) შინ. საქ. სახ. კომისარიატში ან სამაზრო აღმინისტრაციულ განყოფილებებში, მხოლოდ სადაც ასეთი არ არსებობს—მაზრის მილიციის სამმართველოში, იმის და მიხედვით, რომელ რაიონის ფარგლებში (რესპუბლიკის ან მაზრის) სწარმოებს გავრცელებას;

ბ) კერძო პირები—გავრცელებისათვის მიღებულ ნებართვის შემდეგ იმ ორგანოებში, რაც დასახელებულია პ. „ა“ მე-2 მუხ.

3. 1 მუხ. დასახელებულ საგნების გასაერცელებლად სახელმწიფო დაწესებულებები, საზოგადოებრივი ორგანიზაციები და კერძო პირები აძლევენ თავის რწმუნებულებას ან აგენტებს მოწმობებს, რომელშიაც უნდა იყოს აღნიშნული:

ა) გვარი, სახელი და მამის სახელი იმ პირისა, რომელსაც ენდობა გავრცელება, ბ) გავრცელების რაიონი, გ) მოწმობის მოქმედების ვადა, ამასთანავე ასეთი არ უნდა აღემატებოდეს ექვს თვეს; დ) გასაერცელებელ საგნების ფასები; ე) გავრცელების წარმოება, მხოლოდ ნებაყოფლობით და აკრძალვით კერძო ბიზნესში გასაერცელებლად შესვლისა.

4. გავრცელების შესახებ მოწმობები უნდა წარედგინოს ორ ცალად მე-2 მუხ. დასახელებულ ორგანოებში, რომელთა შორის ერთი ცალი მოწმობისა რჩება აღრიცხვის მიზნით იმ ორგანოში, რომელიც აწარმოებს რეგისტრაციას ან სტემს ნებართვის, მხოლოდ მეორე ცალი კი უბრუნდება:

ა) სახელმწიფო დაწესებულებას ან საზოგადოებრივ დაწესებულებას, შ. ს. ს. კ. აღმინ. სამმართველოს უფროსის ან სამაზრო აღმინ. განყოფილების უფროსის, ხოლო, სადაც ასეთი არ არსებობს, — მაზრის მილიციის უფროსის ვიზით;

ბ) კერძო პირებს — მოწმობებზე წარწერით იგივე თანამდებობის პირებისა იმის შესახებ, რომ 1 მუხლში დასახელებულ საგნების გავრცელება, რომელზედაც მთავლიტის ორგანოების ნებართვაა, „დაბრკოლებას არ იწვევს“.

5. რეგისტრაცია, ნებართვის გაცემა ან უკანასკნელზე უარყოფა უნდა მოხდეს სამი დღის განმავლობაში დღიდან მთავლიტის ორგანოს მიერ გაცემულ სათანადო მოწმობის წარდგენისა.

### ბ. ბეჭდვითი ნაწარმოებზე ხელმოწერის და შეკვეთების მიღება.

6. ყველა გამომცემლობანი, რომელნიც ავრცელებენ თავის პროდუქციას რწმუნებულების ან აგენტების საშუალებით, ვალდებული ირიან მისკენ თავის რწმუნებულებს და აგენტებს, რომელნიც უშუალოდ აწარმოებენ გაყიდვას და ხელის მოწერის მიღებას ბეჭდვითი ნაწარმოებებზე, მოწმობები, რომელშიაც უნდა იყოს აღნიშნული:

ა) გვარი, სახელი და მამის სახელი, რომელსაც ევალება ხელის მოწერის და შეკვეთების მიღება;

ბ) მისი მოქმედების რაიონი;

გ) მოწმობის მოქმედების ვადა, ამასთანავე ასეთი არ უნდა აღემატებოდეს ექვს თვეს;

დ) ბეჭდვითი ნაწარმოების გავრცელება იმ ფასებში, რომლებიც დამტკიცებულია გამომცემლობის მიერ, თანახმად პროსპექტებში და კატალოგებში გათვალისწინებულ პირობებისა;

ე) შეკვეთების და ხელის მოწერის მიმღებ პირის უფლებები;

ვ) ხელის მოწერის წარმოება და შეკვეთების მიღება, მხოლოდ ნებაყოფლობითი.

7. გამომცემლობის ყველა რწმუნებულები და აგენტები, რომელნიც ავრცელებენ ბეჭდვითი ნაწარმოებს ხელის მოწერის საშუალებით და შეკვეთების მიღებით, ვალდებული არიან გაატარონ რეგისტრაციაში თავისი მოწმობები შ. ს. ს. კომისარიატში ან სამაზრო აღმინისტრაციულ განყოფილებებში (მაზრის მილიციის სამმართველოში) იმის და მიხედვით, რომელ რაიონზე ვრცელდება გამომცემლობის რწმუნებულის ან აგენტის მოქმედება.

8. მოწმობები ედგინება სარეგისტრაციო ორგანოში ორ ცალათ. ამათგან ერთი შ. ს. ს. კ. აღმინ. სამმართველოში ან სამაზრო აღმინ. განყოფილების უფროსის (მაზრის მილიციის) ვიზით უბრუნდება გამომცემლობის რწმუნებულს ან აგენტს, მხოლოდ მეორე — აღრიცხვის მიზნით — რჩება სარეგისტრაციო ორგანოში.

9. რეგისტრაცია უნდა სწარმოებდეს მოწმობის მიღების დროიდან სამი დღის განმავლობაში.

10. რწმუნებულები ან აგენტები ვალდებული არიან ხელის მოწერის ან შეკვეთის მიღების დროს წარუდგინონ ხელის მომწერს ან შემკვეთელს თავისი მოწმობები და გამოცემლობის პროსპექტები, პრეისკურანტები და კატალოგები ფასების და ფულის გადახდის პირობების აღნიშვნით.

11. რწმუნებულები და აგენტები ხელის მოწერის და შეკვეთების მიღების დროს ვალდებული არიან გააფრთხილონ ხელის მომწერი და შემკვეთი მასში, რომ ხელის მოწერა და შეკვეთა სწარმოებს მხოლოდ ნებაყოფლობით და მათ არა აქვთ უფლება შეეიდნენ ხელის მოწერის ან შეკვეთის მისაღებათ კერძო ბინებში გარდა იმ შემთხვევებისა, როდესაც აგენტები თვით ხელის მომწერის მიერ იქნება მიწვეული.

12. კოლექტიური შეკვეთის ან ხელის მოწერის დროს თითოეული პირი, რომელიც შედის კოლექტივში და სურს ხელის მოწერა, აკეთებს ინდივიდუალურად განცხადებას.

13. კოლექტიური ხელის მოწერის ან შეკვეთების მიღების დროს საფაბრიკო-საქარხნო ან ადგილობრივი კომიტეტის, უჯრედების ან სხვა ორგანიზაციის მეშვეობით, რწმუნებული ან აგენტი ვალდებულია ინდივიდუალური მოთხოვნები ჩააბაროს დასახელებულ კომიტეტში და მიიღოს ცნობა ასეთების მიღებაზე.

14. ანგარიშის გასწორება არ შეიძლება მოხდეს წარმოების მეშვეობით, მხოლოდ შეიძლება სწარმოებდეს პერსონალურად თვითველ ხელის მომწერის მიერ.

15. ეტრონების, პაწია ბარალების, ბელადების სურათების და საქველმოქმედო მარკების გავრცელების და ხელის მოწერის და შეკვეთების ბეჭდვითი ნაწარმოებებზე მიღების წესების შეუსრულებლობა გამოიწვევს თანამდებობის პირის პასუხისმგებლობას ს. ს. რ. სისხ. სამ. კოდექსის 109 მუხ. თანახმად, მხოლოდ კერძო პირებისათვის ს. ს. რ. სისხ. სამ. კოდექსის 104 მუხლის თანახმად.

16. აღნიშნული ინსტრუქცია ძალაში შედის დღიდან მისი გამოქვეყნებისა, ამასთანავე რწმუნებულთა, აგენტებისა და სხვ. მიმართ, რომელნიც მოქმედებენ იმ დოკუმენტების მიხედვით, რომელთა ეადა ამა ინსტრუქციის გამოცემამდე არ გასულა, ასეთების რეგისტრაცია და მოწესრიგება, თანახმად ზემოთ მოყვანილ მოთხოვნებისა, უნდა მოხდეს არა უგვიანეს ერთი თვისა დღიდან ამა ინსტრუქციის გამოქვეყნებისა.

შინაგან საქმეთა სახალხო კომისარი ბერია.

შ. ს. ს. კ. აღმინ. სამ. უფროსი, რესპ. მილტეროსი ბერაძე.

## იუსტიციის სახ. კომისარიატის განკარგულებაში.

### 4. ი ნ ს ტ რ უ შ ც ი ა

მაზრის და მაზრა-ქალაქის კომისარიატის

**სახალხო მსაჯულთა არჩევნების ჩასატარებლად 1928 წელში.**

იუსტიციის სახალხო კომისარიატი წინადადებას აძლევს მაზრის და მაზრა-ქალაქის კომისიებს სახალხო მსაჯულთა არჩევნების ჩატარების დროს იხელმძღვანელონ შემდეგი წესით:

1. ვინაიდან საორგანიზაციო, მოსამზადებელი და საარჩევნო მუშაობა უნდა იქნეს შეფარდებული იმ ვადებთან, რომელიც დაწესებული არის საბჭოების, საანგარიშო კამპანიისათვის, მაზრის და მაზრა-ქალაქის კომისიები, მოწყობისთანავე, იმ წესის თანახმად, რომელიც არსებობს ამ საგანზე, აწარმოებენ კონტაქტიურ მუშაობას თემალმასკომებთან და პროფესიონალურ და პარტიულ ორგანიზაციებთან და სახელმწიფო დაწესებულებებთან.

2. მაზრის და მაზრა-ქალაქის კომისიები მას შემდეგ, როდესაც აღნუსხავენ ცნობებს სახალხო მსაჯულთა რიცხვის შესახებ, რაც საჭიროა 1928 წელში სასამართლოების მუშაობისათვის, პროცენტულ შეფარდების გამოანგარიშებისთანავე მოახდენენ დანაწილებას თვითეულ უბნის სახალხო სასამართლოსათვის საჭირო სახალხო მსაჯულთა რიცხვს თემებს შორის.

3. მაზრის და მაზრა-ქალაქის კომისიები გამოიანგარიშებენ სახალხო მსაჯულთა რაოდენობას, რომლის არჩევაც საჭიროა თვითეულ თემიდან, პროპორციონალურად მის ამომრჩეველთა რაოდენობის მიხედვით, რასაც აცნობებენ თემალმასკომს, რომელიც ჩაატარებს არჩევნებს; ამასთან კომისიები იღებენ მხედველობაში როგორც პროცენტულ შეფარდებას, აგრეთვე სახალხო მსაჯულთა იმ რაოდენობას, რაც ამა თუ იმ სასამართლო უბანს ესაჭიროება.

4. სახალხო მსაჯულთა განაწილების დროს თემებს შორის კომისიებმა მხედველობაში უნდა მიიღონ ზოგიერთ თემების სიშორე სასამართლოდან და ამ თემებში სასამართლოს სესიების მოწყობის ფაქტიური შესაძლებლობა; ასეთ დაშორებულ თემებიდან საჭიროა შეიტანონ სამაზრო სასამართლოს სიაში არა ნაკლებ 4 მსაჯულისა და სახალხო სასამართლოს სიაში არა ნაკლებ 10 მსაჯულისა.

5. საჭიროა განემარტოს თემალმასკომებს და პროფორგანოებს, რომ სახალხო მსაჯულთა კანდიდატთა სიების შედგენის დროს სიაში აუცილებელი შეტანილ უნდა იქნენ სახალხო მსაჯულნი, როგორც სახალხო სასამართლოსათვის, აგრეთვე სამაზრო სასამართლოსათვისაც, სამაზრო კომისიის მიერ განსაზღვრულ რაოდენობით.

**შენიშვნა.** სახალხო მსაჯულნი სამაზრო სასამართლოსათვის აირჩევიან იმ მოქალაქეთაგან, რომელთაც აქვთ ერთი წლისაზე არა ნაკლები სტაჟი სახელმწიფო, პროფესიონალური ან საზოგადოებრივი ორგა-



ნიზაკიებში მუშაობისა; მათ შორის სპეციალურად სამოქალაქო საქმეების განხილვაში მონაწილეობისათვის არჩეულ უნდა იქნეს არა ნაკლებ 25 კაცისა იმ პირთაგან, რომელნიც მუშაობენ სამეურნეო (სახელმწიფო და კოოპერატი.) საწარმოში.

6. მუშების შესახებ მახრის და მახრა-ქალაქის კომისიები გამოიანგარიშებენ, მუშათა რაოდენ რიცხვზე უნდა იქნეს არჩეული თითო სახალხო მსაჯული; ამისათვის კომისიებს უნდა ქონდეს მხედველობაში საერთო რიცხვი სახალხო მსაჯულებისა, რომელნიც უნდა არჩეულ იქნენ მუშების მიერ პროცენტულ შეფარდების მიხედვით, და საერთო რიცხვი პროფკავშირების წევრებისა.

ამის შემდეგ კომისიები გამოიანგარიშებენ სახალხო მსაჯულთა რიცხვს, რომელიც უნდა აირჩიოს თვითუღმა პროფკავშირმა პროფკავშირების წევრთა რიცხვის მიხედვით, და ეს რიცხვი ცნობება თვითუღმა პროფკავშირის სათანადო მუწყებლის გაგზავნით.

7. პროფკავშირში მუწყებლის მიღებისთანავე თვითონ გამოიანგარიშებენ წარმომებში მომუშავე მუშათა და მოსამსახურეთა რიცხვის მიხედვით, რამდენი სახ. მსაჯული საჭიროა არჩეულ იქნეს ამა თუ იმ წარმომიდან და დაწესებულებიდან, რაზედაც აცნობებენ ფაბკარკომებს და ადგილკომებს წინადადების მიცემით, რათა სახალხო მსაჯულთა არჩევნები მოხდეს მუშების და მოსამსახურეების საერთო კრებებზე.

8. სამხედრო ნაწილების შესახებ კომისიები არ ყრფენ ცნობებს სამხედრო ნაწილების რიცხოზობრივ შემადგენლობის შესახებ, მხოლოდ შეატყობინებენ პოლიტგანყოფილებას ან ცალკე სამხედრო ერთეულს, რამდენი სახალხო მსაჯული უნდა იქნეს არჩეული სამხედრო ნაწილების მიერ თვითუღმა საარჩევნო უბნის ტერიტორიაზე.

პოლიტგანყოფილება თავის მხრივ გამოიანგარიშებს, მსაჯულთა რაოდენი რიცხვი ხედება თვითუღმა სამხედრო ნაწილს უკანასკნელის რიცხოზობრივი შემადგენლობის მიხედვით.

9. არჩევნების ჩატარების დროს უნდა მიექცეს ყურადღება სასამართლოს მუშაობაში მოჯამაგირების, მუშა-ქალების და გლეხი ქალების ჩაბმას და სახალხო მსაჯულთა კადრის შექმნას ეროვნულ უმცირესობიდან, თუ ასეთები მოსახლეობენ უბანში.

10. საარჩევნო კრების სავანია:

ა) განხილვა სახალხო და მახრის მოსამართლეთა და სახალხო მსაჯულთა საინგარიშო მოხსენებებისა მათი მუშაობის შესახებ;

ბ) განხილვა სახალხო მსაჯულებისათვის განაწესის პროექტისა 1928 წლ.

11. თვით სახალხო მსაჯულთა არჩევნები უნდა მოხდეს საბჭოების საინგარიშო კრებებზე. ამ კრებებზე არჩევნების დაწყებამდე ამომრჩევლებისათვის განმარტებულ უნდა იქნეს დანიშნულება და მნიშვნელობა სახალხო მსაჯულთა ინსტიტუტისა საბჭოთა სასამართლოს სისტემაში.

საარჩევნო კრების ოქმზე, რომელშიაც აღნიშნული უნდა იქნენ არჩეული სახალხო მსაჯულნი, ხელს მოაწეროს კრების პრეზიდიუმი.

12. ყველა არჩეულთა შესახებ შესდგება ერთი საერთო სია (ანკეტა), ამასთანავე თანდართულ ფორმით, რომელიც შეესებულ უნდა იქნეს მოთხოვნილ



ცნობების მიხედვით, და ასეთი გადაეცემა თემალმასკომს, პროფკავშირს, ადგილ-კომს, პოლიტგანყოფილებას ან ცალკე სამხედრო ერთეულს. ყოველივე მოქალაქეს შეუძლიან განუცხადოს აღნიშნულ ორგანოებს დასაბუთებული განცენება არჩეულის წინააღმდეგ 3 დღის განმავლობაში დღიდან არჩევნებისა.

სამი დღის ვადის განვლის შემდეგ შემოაღნიშნული ორგანოები არჩეულ სახალხო მსაჯულთა სიებს უშუალოდ გაუგზავნიან მაზრის და მაზრა-ქალაქის სახალხო მსაჯულთა საარჩევნო კომისიებს განცენების განცხადებებისა და მათზე თავიანთი დასკვნის თანდართვით.

13. მაზრის და მაზრა-ქალაქის სახალხო მსაჯულთა საარჩევნო კომისიები, სახალხო მსაჯულთა სიების ადგილებიდან მიღებისთანავე, გამორიცხავენ წარმოდგენილ სიებიდან იმ პირებს, რომელნიც არ აკმაყოფილებენ სახალხო მსაჯულებისათვის შესაფერ მთავრებებს, აგრეთვე ისეთ პირებსაც, რომლის წინააღმდეგ წამოყენებული განცენება ცნობილ იქნება პატივსაცემად.

შემდეგ ეს კომისიები წარმოდგენილ სიებიდან გამოყოფენ განსაკუთრებულ სიას სავაზრო სასამართლოსათვის რიცხვით არა ნაკლებ 100 კაცისა და ამ სიას წარუდგენენ საბოლოოდ დასამტკიცებლად მაზრის აღმასკომს. სახალხო სასამართლოებისათვის სპირო სახალხო მსაჯულთა სიას დაამტკიცებს თვით საარჩევნო კომისია და გადაუგზავნის სასამართლოებს.

**შენიშვნა.** იმ პირებს, რომელნიც მაზრის და მაზრა-ქალაქის კომისიების მიერ გამორიცხულნი იქნებიან მსაჯულთა სიიდან, აქეთ უფლება თავიანთი გამორიცხვა განასაჩივრონ შვიდი დღის ვადაში მაზრის აღმასკომში, რომლის გადაწყვეტილება საბოლოოა და ასეთის განსაჩივრება არ შეიძლება.

იუსტიციის სახალხო კომისიის მაგ.—თ. დოლიძე.

სასამართლოს მომწყობი და ზედამხედველობის განყოფილების გამგე—სიჭინავა.

1928 წ. იანვრის 25.

## 5. ი ნ ს ტ რ უ ქ ც ი ა

ს. ს. ს. რ.-ის სახალხო კომისართა საბჭოს 1927 წ. აგვისტოს 22-ის № 114 დადგენილების „სახელმწიფო დაწესებულებათა და საწარმოთა, აგრეთვე კოოპერატიულ ორგანიზაციათა იურისკონსულტებისა და მათი მოქმედებისათვის ზედამხედველობის გაწევის შესახებ“ (ს. ს. ს. რ. კან. კრებ. 1927 წ. № 8 119 მ.) ცხოვრებაში განსაზღვრულად.

1. საქართველოს ს. ს. რესპუბლიკის სახალხო კომისართა საბჭოს 1927 წ. აგვისტოს 22-ის დადგენილება ვრცელდება ს. ს. ს. რესპუბლიკის ყველა საერთო სახელმწიფო (საერთო საკავშირო და სარესპუბლიკო მნიშვნელობის) და ადგილობრივ დაწესებულების, საწარმოსი და კოოპერატიული ორგანიზაციის იურისკონსულტებზე, აგრეთვე ამ სააქციო საზოგადოების (საპაიო ამხანაგობის) იურისკონსულტებზე. რომელშიც სახელმწიფო კაპიტალი სჭარბობს ან რომელიც მართო ამ კაპიტალით მოქმედობს (როგორც წესდების ძალით, ისე ფაქტურად).



2. იურისკონსულტად იგულისხმება ყველა ის თანამდებობის პირი, რა სახელწოდებას არ უნდა ჰქონდეს მის თანამდებობას (იურისკონსულტი, კონსულტანტი და სხვ.) ან რა სხვა საქმესაც არ ასრულებდეს იგი, ვინც დაწესებულებაში, საწარმოში ან ორგანიზაციაში ფაქტიურად ასრულებს დადგენილების მე-5 მუხლში აღნიშნულ მოვალეობას.

3. მთავრობის უმაღლეს ორგანოთა იურისკონსულტებზე (კონსულტანტებზე და სხვ.), რომელთაც დაკისრებული აქვთ მხოლოდ ის მოვალეობა, რაც აღნიშნულია დადგენილების მე-5 მუხ. „ა“ და „ბ“ პუნქტებში, ამ დადგენილების მე-8 და 11 მუხ. არ გავრცელდება. სხვა დანარჩენში მათზე ვრცელდება როგორც დადგენილება, ისე ეს ინსტრუქცია.

4. იმ პირობების განსაზღვრის დროს, რომელიც საჭიროა იურისკონსულტის თანამდებობაზე დასანიშნავად (დადგენილების 2 მუხ.), უნდა მხედველობაში მიღებულ იქნეს: ა) რომ სპეციალური იურიდიული განათლება ნიშნავს უმაღლეს სასწავლებელში დამთავრებულ იურიდიულ განათლებას; ბ) რომ პრაქტიკულ საპასუხისმგებლო მუშაობად საბჭოთა იუსტიციის ორგანოებში (დადგ. მე-2 მუხ. „გ“ პუნქ.) ჩაითულება ისეთ თანამდებობაზე მუშაობა, რაც მდივნის თანამდებობაზე დაბალი არ არის, და გ) რომ იმ პირთ, ვინც შეესაბამება დადგენილების მე-2 მუხ. „ბ“ პუნქტში აღნიშნულ პირობებს, უყუთუ მათ სამიწლის განმავლობაში მხოლოდ მდივნის თანამდებობაზე უმსახურიათ ან 1921 წლამდე მიუღიათ უმაღლესი იურიდიული განათლება, და ამასთან პრაქტიკულად არ უმუშავებიათ საბჭოთა იუსტიციის ორგანოებში ან დამკვეთთა კოლეგიის წევრად, შეიძლება დაენიშნოთ გამოყდა იმის გამოსარკვევად, თუ რამდენათ იციან და შეუთვისებიათ მათ საბჭოთა სამართალი. ამ გამოცდების პირობები და წესი ისეთივეა, რაც მიღებულია დამკვეთთა კოლეგიის წევრად ჩარიცხვის დროს წარმოებული გამოცდებისათვის.

5. დადგენილების მე-3 მუხლში აღნიშნულ „განსაკუთრებულ შემთხვევად“, რომლის დროსაც დაწესებულების ხელმძღვანელის ან ხელმძღვანელი დაწესებულების თუ საწარმოს ნებართვით შეიძლება დაშვებულ იქნეს შეთავსება, ჩაითვლება ან ის გარემოება, რომ იურისკონსულტის სამუშაო დღე მალად არ არის დატვირთული მისი ძირითადი მუშაობით, ან ის, რომ ადგილობრივ შეუძლებელია შესაფერი კვალიფიკაციის პირის მოძებნა. ყველა ასეთი შემთხვევა უნდა ეცნობოს ადგილობრივ პროკურორს, რომელიც, თუ საფუძვლიანად არ სცნობს იურისკონსულტის მიერ ორი თანამდებობის შეთავსებას, აღძრავს საკითხს იურისკონსულტის მოხსნის შესახებ.

6. იმ პირის დანიშვნა იურისკონსულტად, ვინც არ შეესაბამება დადგენილების მე-2 და 3 მუხ. ვათვალისწინებულ პირობებს, არ შეიძლება. ის, ვისაც ჩამოერთვა საბჭოთა არჩევნებში მონაწილეობის მიღების უფლება, მოიხსნება თავის თანამდებობიდან, თუ ერთი თვის განმავლობაში დღიდან საარჩევნო უფლების ჩამორთმევისა ან ამა ინსტრუქციის მიღებისა, მის შუამდგომლობას აღნიშნული უფლების მინიჭების შესახებ, სათანადო შემთხვევაში, არ შეიწყნარებს აღმასკომი ან თუ ეს უკანასკნელი არ დაუკერს ამ შუამდგომლობას მხარს და არ წარუდგენს მას საქართველოს ცაკის პრეზიდიუმს გადასაწყვეტად.

ამავე ვადაზე უნდა ლიკვიდაცია ექმნას დადგენილების მე-3 მუხლით აკრძალულ შეთავსების შემთხვევას.

7. რაც შეეხება დადგენილების მე-4 მუხლს, რომლითაც იურისკონსულტებს ეკრძალებათ კერძო პირის და საწარმოს წარმომადგენლობა, აქ სახელმძღვანელოდ უნდა მიღებულ იქნეს შემდეგი:

ა) კატეგორიულად აკრძალულია კერძო პირის და საწარმოს ისეთი სამოქალაქო საქმის წარმოება, სადაც მოწინააღმდეგე მხარედ ან მესამე პირად ამ მხარეზე არის ამ ინსტრუქციის 1 მუხლში ჩამოთვლილი დაწესებულება, საწარმოო თუ ორგანიზაცია. აკრძალულია აგრეთვე აღნიშნულ პირთა დაცვა ისეთ სისხლის სამართლის საქმეში, სადაც განცხადებულია ან შეიძლება განცხადებულ იქნეს ზემოთხსენებულ დაწესებულების, საწარმოს ან ორგანიზაციის სამოქალაქო სარჩელი. ეს აკრძალვა არ ვრცელდება ისეთ საქმეებზე, რომელიც გათვალისწინებულია საბაღოთა კომისართა საბჭოს 1927 წ. აგვისტოს 22-ის დადგენილების მე-4 მუხლის შენიშვნაში.

ბ) აკრძალულია აღმინისტრაციულ დაწესებულებებში კერძო პირთა ისეთი საქმის წარმოება, რაც დაკავშირებულია სახელმწიფოს მატერიალურ ინტერესებთან (მაგ., შუამდგომლობა შ.წერილი გადასახადის შესახებ, შენიშების ან საწარმოს დემონიციპალიზაციის ან დენაციონალიზაციის შესახებ და სხვ.).

გ) საქმის წარმოება ნიშნავს როგორც სასამართლოში გამოსვლას და საქმის საწარმოებლო ქალაქების მიცემას, ისე ასეთი ქალაქების, ხელშეკრულებების, შერიგების პირობების და სხვ. შედგენა-შემუშავებას, და ამას გარდა რჩევა-დარიგების მიცემას ამა მუხლის „ა“ და „ბ“ პ. აღნიშნულ საქმეებზე.

დ) განსაკუთრებულ შემთხვევაში იურისკონსულტს შეუძლიან, სასამართლოსი ან დამცველთა კოლეგიის პრეზიდიუმის დანიშნით, მონაწილეობა მიიღოს ისეთ სისხლის სამართლის საქმეში, სადაც სახელმწიფო დაწესებულებისა და სხვ. მიერ აღძრულია ან შეიძლება აღიძრას სამოქალაქო სარჩელი.

8. მშრომელად, რომელთა ინტერესების წარმომადგენლობა დაშვებულია დადგენილების მე-4 მუხ. შენიშვნით, ჩაითვლება ყველა ის, ვისაც ს. ს. ს. რ. კონსტიტუციით მინიჭებული აქვს საარჩევნო უფლება.

9. იურისკონსულტების თათბირი მოეწყობა ქ. ტფილისში — რესპუბლიკის პროკურორთან, ქუთაისში — უზენაეს სასამართლოს მუდმივი სესიის პროკურორთან, ხოლო დანარჩენ ადგილებში — სამაზრო პროკურორებთან.

10. აღნიშნულ თათბირში, გარდა იმ დაწესებულების, საწარმოს და ორგანიზაციების იურისკონსულტებისა, რომელნიც მოქმედობენ ამა თუ იმ ტერიტორიის ფარგლებში, მონაწილეობას იღებენ აგრეთვე სასამართლოსი, პროკურატურის, საარბიტრაჟო კომისიის და საადვოკატო-მამულო კომისიის თითო წარმომადგენელიც. თათბირის და თათბირის ბიუროს თავმჯდომარეა: ქ. ტფილისში — რესპუბლიკის პროკურორი, ხოლო, თუ იგი ადგილზე არ არის, — მისი მოადგილე, აგრეთვე უზენაესი სასამართლოს პროკურორი ან და იუსტიციის სახ. კომისარიატის ცენტრალური პროკურატურის პროკურორი, რომელიც საამისოდ დანიშნულ იქნება რესპუბლიკის პროკურორის განკარგულებით; ქ. ქუთაისში — უზენაეს სასამართლოს მუდმივი სესიის პროკურორი, ან მისი დანიშნით ერთ-

ერთი ადგილობრივი სამაზრო პროკურორი, დანარჩენ ადგილებში კი—სათანადო სამაზრო პროკურორი.

11. იურისკონსულტების თათბირის გამგებლობის საგანს შეადგენს:

ა) ყველა იმ საკითხის განხილვა, რაც კი იურისკონსულტების ორგანიზაციას და მოქმედებას შეეხება.

ბ) იმ მუშაობის საერთო გეგმის განხილვა და დამტკიცება, რაც უნდა გასწიოს თათბირმა მისთვის დაკისრებული ამოცანების განსახორციელებლად.

გ) თავის წევრთა შორის ბიუროს ამორჩევა და ამ ბიუროს მოქმედების შესახებ მოხსენების მოსმენა-განხილვა.

დ) თათბირის სექციების მოწყობა სამართლის სხვადასხვა საკითხზე და ამ სექციების მოქმედების შესახებ მოხსენებების მოსმენა-განხილვა.

ე) იურისკონსულტების მოქმედების შესახებ მოხსენებათა მოსმენა-განხილვა პრაქტიკაში აღძრული სამართლის საკითხების გადაწყვეტისა და აგრეთვე კანონების ერთნაირად განმარტებისა და შეფარდების მიზნით.

ვ) სამართლისა და საბჭოთა კანონმდებლობის საერთო საკითხების შესახებ მოხსენებების მოსმენა-განხილვა და

თ) იმ საკითხის გადაწყვეტა, თუ რაში უნდა გამოიხატოს იურისკონსულტების მონაწილეობა სამართლის პროპაგანდისა და მოსახლეობისათვის იურიდიული დახმარების აღმოჩენის საქმეში.

12. იურისკონსულტების თათბირს შეუძლიან მოაწიოს ცალკე სექციები სამართლის სხვადასხვა საკითხზე. სექციის შედგენილობა და მისი მოქმედების წესი განისაზღვრება თათბირით.

13. თათბირის მიმდინარე საქმეების სახელმძღვანელოდ არსდება იურისკონსულტების ბიურო, რომელშიც შევლენ საპროკურორი ზედამხედველობის და სასამართლო ორგანოების წარმომადგენელი.

14. დანარჩენში იურისკონსულტების თათბირის, მისი ბიუროს და სექციების მუშაობის წესი განისაზღვრება ინსტრუქციებით, რომლებსაც შეიმუშავენს ქ. ტფილისში იუსტ. სახ. კომისარიატის ცენტრალური პროკურატურა, სხვა ადგილებში კი ამ ინსტრუქციებს შეიმუშავენს სათანადო პროკურორი სასამართლოსა, საარბიტრო კომისიასა და საადგილ-მამულო კომისიასთან შეთანხმებით და წარუდგენს დასამტკიცებლად რესპუბლიკის პროკურორს.

იუსტიციის სახალხო კომისარი და რესპუბლიკის პროკურორი **ა. ვარძიელი**.

1928 წ. თებერვალი 8.

## 6. დადგენილებანი 1.

1928 წ. იანვრის „9“.

წვრიშალი საფაბრიკო-საქარხნო ქურდობისათვის გადასახდელის დადგენის შესახებ.

საქართველოს ს. ს. რ.-ის სისხ. სამ. კოდ. 187 მუხლის შენიშვნის ძალით საქ. სოც. საბჭ. რ.-ის შრომის და იუსტიციის სახალხო კომისარიატები ადგენენ:

1. მუშა ან მოსამსახურის მიერ თავის საწარმოში პირველად ჩადენილი წვრიშალი საფაბრიკო-საქარხნო ქურდობა წარმოების მასალისა და იარაღისა, უკეთუ მოპარული სავნის ღირებულება თხუთმეტ მანეთს ან აღემატება. გამოიწვევს დისციპლინალურ გადასახდელს ამა დადგენილების წესისამებრ.

2. ქურდობის ფაქტი დამტკიცებულად ჩაითვლება, თუ დამნაშავე დაქვრივი იქნება დანაშაულის ადგილას ნაქურდალით ან თუ იგი დადასტურდება სხვა უდავო დამამტკიცებელი საბუთით და აგრეთვე ისეთი მოწმის ჩვენებით, რომელიც ქურდობას შეესწრო; ქურდობის ყოველ ცალკე შემთხვევაში შედგენილ უნდა იქნეს აქტი, რომელსაც ხელს მოაწერენ ადმინისტრაცია, მოწმეები და თანამოწმეები.

3. დისციპლინალური გადასახდელის ღონისძიება:

ა) შენიშვნა, გამოცხადებული ამქარში ან მთელ ქარხანაში;

ბ) სატარიფო კატეგორიის დაწვეა;

გ) უფრო დაბალ თანამდებობაზე ჩამოყენება;

**შენიშვნა.** სატარიფო კატეგორიის დაწვეა ან უფრო დაბალ თანამდებობაზე ჩამოყენება შეიძლება მხოლოდ განსაზღვრული ვადით, არა უმეტეს 6 თვისა.

4. დისციპლინალურ გადასახდელს დაადებს საწარმოს ადმინისტრაცია; ამასთან მე-3 მუხლში ჩამოთვლილ ღონისძიებათაგან ამა თუ იმ ღონისძიების ამორჩევის დროს უნდა მხედველობაში იქნეს მიღებული ყველა ის გარემოება, რომელშიაც მოხდა ქურდობა. ღონისძიების ამორჩევა უნდა აუცილებლად დასაბუთებული იყოს.

5. დადგენილება ესე არ ვრცელდება ისეთ ქურდობის საქმეებზე, რაც ჩადენილი იყო ამა დადგენილების გამოქვეყნებამდე.

ს. ს. ს. რ. შრომის სახალხო კომისარი **ს. თოდრაია**.

ს. ს. ს. რ. იუსტიციის სახალხო კომისარი **ი. ვარძიელი**.

გამოქვეყნებულია გაზ. „კომუნისტის“ 15 №-ში 1928 წ. იანვრის 19.

## განათლების და ჯანმრთელობის სახ. კომ. განკარგულებანი.

### 7. ინსტრუქცია

სამედიცინო დარგში სოფლად მომუშავეთა და მათ შვილებისათვის სკოლებში შესვლის და მათში სწავლის დროს შეღავათების მინიჭების შესახებ.

(გამოცემულია თანახმად მე-8 მუხლის შენიშვნისა სახკომსაბჭოს 1927 წლ. 15 ივნისის დადგენილებისა „სოფლის სამკურნალო დახმარების უზრუნველყოფისათვის და სასოფლო-სამედიცინო პერსონალის ნივთიერი მდგომარეობისა და ყოფა-ცხოვრების გაუმჯობესების შესახებ“ ს. ს. ს. რ. კან. კ. 1927 წ. № 6, მუხ. 95).

1. სამედიცინო დარგში მომუშავენი და მათი შვილები, რომელ მომუშავეთაც სოფლად სწავლათა ხელისუფლების დროს უმუშავენიათ არა ნაკლებ სამი წლისა, სარგებლობენ ყველა შეღავათიან პირობებით, რომელიც დაწესებულია მუშების შვილების უმაღლეს სასწავლებლებში, ტეხნიკუმებში და 1-ლი და მე-2 საფეხურის სკოლებში შესვლისათვის.

2. ყველა ტიპის და საფეხურის სასწავლებლებში სწავლის ჩირიდან სრულიად თავისუფალი არიან შვილები სოფლად სამედიცინო დარგში იმ მომუშავეების, რომელთაც სოფლად საბჭოთა ხელისუფლების დროს უმუშავენიათ არა ნაკლებ სამი წლისა.

3. ამა ინსტრუქციის მეორე მუხლში აღნიშნული მოსწავლენი შეძლებისდაგვარად უზრუნველყოფილნი უნდა იქნენ სტიპენდიით.

ჯანმრთელობის სახალხო კომისარი გრ. კუჭაიძე.

განათლების სახალხო კომისარი დ. კანდელაკი.

1928 წ. აპრილის 5.

ტფილისი—სასახლე.

## მიწათ-მოქმედების სახ. კომ. განკარგულებანი.

### 8. ინსტრუქცია

1927 წ. 28 დეკემბრის საქართველოს სახკომსაბჭოს დადგენილების განხორციელებლად წმინდა ბარისხის სათესლე მასალის ფასების დაკლებისათვის ღონისძიებათა მიღების შესახებ.

ყველა საადგალმამულო განყოფილებებს.

საქართვე. სახალხო მაშქდთა ტრესტს.

სამხრეთ-თსეთის ავტონომიურ ოლქის, ს. ს. რ. აფსაყეთის და აჭარასტანის მაქსსაკმაქის ცნობად.

1927 წ. 28 დეკემბრის საქართველოს სახკომსაბჭოს დადგენილების მე-4 პუნქტის თანახმად წმინდა ბარისხის სათესლე მასალის ფასების დაკლებისათვის

ლონისძიებათა მიღების შესახებ, საქართველოს მიწათმოქმედების სახალხო კომისარი წინადადებას იძლევა:

1. მთლიან სასოფლო-სამეურნეო გადასახადის თანხები, რომელნიც ჩამოეწერათ საბჭოთა მეურნეობებს, მოხმარებულ უნდა იქნეს გლეხებზე გასაცემ სათესლე ფასის დასაფრევად; ამასთან დაკავშირებით საბჭოთა მამულები წარუდგენენ საქართველოს მიწათმოქმედების სახალხო კომისარიატს იმ ორგანოების საშუალებით, რომელსაც ექვემდებარებიან აღნიშნული მამულები, ცნობებს იმ სიერის შესახებ, რომელზედაც დათესილი იყო 1927 წ. წმინდა ხარისხის თესლი. ამ თესლის მოსავლის რაოდენობის შესახებ კულტურების მიხედვით და ამავე თესლის განზრახულ განაწილებას შესახებ კერძო ან კოლექტიურ გლეხურ მეურნეობებს შორის.

2. ამ ინსტრუქციის პირველ მუხლში აღნიშნულ ცნობების თანახმად, საქართველოში მიწისაკომი შეიბუშავენებს გევმას როგორ განაწილდეს სათესლე მასალა ყოველ საბჭოთა მამულში ცალკე, და ამ გევმის, დამტკიცების შემდეგ შინა ვაჭრობის სახალხო კომისარიატთან ერთად შეიბუშავენებს თესლის გასაცემ ფასებს ყოველ კულტურის და ხარისხის მიხედვით.

3. სათესლე მასალის ფასების დაკლება ხდება დაკავშირებით თესლის რაოდენობასთან, რაც გევმით განზრახულია გლეხებზე გასაცემად და იმ თანხებთან, რომელიც ჩამოწერილია მიმდინარე 1927/28 წ. მთლიან სას. სამეურნეო გადასახადებზე.

4. სათესლე მასალის განაწილების გევმა და დაწესებული გასაცემი ფასები ეცნობება საბჭოთა მამულის გამგეებს სახელმძღვანელოდ და შესასრულებლად.

5. 1927/28 წ. სათესლე მასალის რეალიზაციის შემდეგ საბჭოთა მამულები ვალდებული არიან წარუდგინონ საქ. მიწისაკომსა საანგარიშო ცნობები ამა ინსტრუქციით გათვალისწინებულ ფასების დაკლების შესრულების შესახებ.

მიწისაკომის მოადგილე მ. ძამანაშვილი.

საქმეთა მმართველი თ. ლუკავა.

1928 წ. მარტის 17.

## ბ.-კ. ვაჭრ. სხპომის რეგუნ. განკარგულებანი.

9. დ ა დ გ ე ნ ი ლ ე ბ ა № 9 128

1928 წ. იანვრის 28.

შესაცვლელად ა/კ. ვაჭრობის სახკომის რწმუნებულის სამმართველოს 1927 წ. ოქტომბრის 1-ის დადგენილებისა № 1/120 ა/კ. ვაჭრობის სახკომის რწმუნებული საქართველოში აღგენს:



## § 1.

დაწესებულ იქნეს გამომცხვარ პურზე შემდეგი საზღვრითი საცალო ფასები კოოპერაციისა, სახელმწიფო ვაჭრობის ორგანიზაციებისა და კერძო პირთათვის ქ. ტფილისში:

I	ხარისხის 1 კილოგრამი . . . . .	20 კაპ.
II	" " " . . . . .	17 კაპ.
III	" " " . . . . .	15 კაპ.

## § 2.

დაწესებულ იქნეს გამომცხვარ პურზე შემდეგი საზღვრითი საცალო ფასები კოოპერაციისა, სახელმწიფო ვაჭრობის ორგანიზაციებისა და კერძო პირთათვის საქართველოს სოც. საბჭ. რესპუბლიკის ტერიტორიის რკინის გზის ხაზზე მდებარე ყველა ქალაქებსა და ადგილებში:

I	ხარისხის 1 კილოგრამი . . . . .	22 კაპ.
II	" " " . . . . .	17 კაპ.
III	" " " . . . . .	14,5 კაპ.

## § 3.

დაწესებულ იქნეს გამომცხვარ პურზე შემდეგი საზღვრითი საცალო ფასები კოოპერაციისა, სახელმწიფო ვაჭრობის ორგანიზაციებისა და კერძო პირთათვის საქართველოს სოც. საბჭ. რესპუბლ. ტერ. რკინის გზის ხაზის ვარეშე მდებარე ყველა ქალაქებისა და ადგილებში:

I	ხარისხის 1 კილოგრამი . . . . .	24 კაპ.
II	" " " . . . . .	19 კაპ.
III	" " " . . . . .	16,5 კაპ.

## § 4.

დაწესებულ იქნეს ქართულ (თონის) პურზე საცალო ფასები 2 კაპ. მეტი თითო კილოგრამზე ხარასხების მიხედვით.

## § 5.

ა/კ. ვაჭრობის სახკომის რწმუნებულის წარმომადგენლებს რესპუბლიკებში, რომელნიც შედიან საქართველოს სოც. საბჭ. რესპუბლიკაში, და ყველა ადგილობრივი აღმასკომების შინა-ვაჭრობის კომისიას ევალდება ფიზიკად აღიწეროს თვალყური ამა დადგენილებების ცხოვრებაში გატარებას.

## § 6.

ამა დადგენილების დამრღვევნი პასუხისგებაში იქნებიან მიცემულნი თანხმად რესპუბლიკის სისხლის სამართლის კანონებისა.

## § 7.

დადგენილება ესე ძალაში შედის ა/წ. 1-ლ თებერვლიდან.

ა/კ. ვაჭრობის სახკომის რწმუნებ. მოადგ. საქართველოში კაკაბაძე.

საქმეთა მმართველი მგალობლიშვილი.

გამოქვეყნებულია გაზ. „კომუნისტი“-ს 24 №-ში 1928 წ. იანვრის 28.

## 10. დადგენილებები № 10/129.

1928 წ. თებერვლის 11.

**სამრეწველო და საკვებ საგნებზე საცალო ფასების გამოკიდების შესახებ.**

თანამდ. ამიერ-კავკასიის ვაჭრობის სახკომისარიატის ა. წ. თებერვლის 7 დადგენილებისა № 1 ამიერ-კავკასიის ვაჭრობის სახკომის რწმუნებული საქართველოში აღგენს:

### § 1.

დავეალოს ყველა სახელმწიფო-კოოპერატიულ ორგანიზაციებს და კერძო ვაჭრებს, რომელნიც საცალო ვაჭრობას აწარმოებენ ს. ს. ს. რ. ფარგლებში, აღნიშნონ საცალო ფასები რწმუნებულის სამმართველოს მიერ დანორმირ საჭონელზე განსაკუთრებულ ზარლიკების დაწესების ან გამოკიდების საშუალებით.

### § 2.

ყველა სხვა საჭონელზე საცალო ფასების აღნიშვნა უნდა ხდებოდეს თანამდ. ამა დადგენილების პირველ მუხლში გათვალისწინებულ წესისა იმ შემთხვევაში, როდესაც არა დანორმირი საჭონელი მოთავსებული იქნება ვიტრინაში.

### § 3.

საცალო ფასები უნდა იქნას აღნიშნული მხოლოდ მეტრიულ საზომ ერთეულებში.

### § 4.

აკრძალულია 400 გრამზე ფასების დაწესება და მისი გამოკიდება.

### § 5.

ამიერ-კავკასიის ს. თ. ს. რ. ვაჭრობის სახკომის რწმუნებულის წარმომადგენლებს რესპუბლიკებში, რომლებიც შედიან საქართველოს სოც. საბჭ. რესპუბლიკაში, და ყველა ადგილობრივი აღმასკომის შინა-ვაჭრობის განყოფილებას, და აღმინისტრაციულ განყოფილებას ევალებათ ფხიზლად აღევნონ თვალყური ამა დადგენილების ცხოვრებაში ვატარებას.

### § 6.

ამა დადგენილების დამრღვენი პასუხისგებაში იქნებიან მიცემულნი თანამდ. რესპუბლიკის სისხლის სამართლის კანონებისა.

### § 7.

აღნიშნული დადგენილება ძალაში შედის დღიდან მისი გამოქვეყნებისა.

ა/კ. ვაჭრობის სახკომის რწმუნებ. მოადგილე საქართველოში კაკაბაძე.

მომწესრიგებელი განყოფილების უფროსი მგალობლიშვილი.

გამოქვეყნებულია ვახ. „კომუნისტი“-ს 50 №-ში 1928 წ. მარტის 1.

## 11. დ ა დ გ ე ნ ი ლ ე ბ ა № 11/130

1928 წ. თებერვლის 13.

### სიმიინდზე ფასების დაწესების შესახებ.

თანახმად ა/კ. ვაჭრობის სახკომატის დროებითი დებულების მე-4 კარის პუნქტი „მ“-სა, სიმიინდის ბაზრის მოწესრიგების მიზნით ა/კ. ვაჭრობის სახკომის რწმუნებული საქართველოში ადგენს:

#### § 1.

დაწესებულ იქნეს შემდეგი საზღვრითი საგასაცემო ფასი სიმიინდზე—ერთი ცენტერი—8 მან. 96 კაპ. ფრანკო რონოდა დანიშნულების სადღური.

#### § 2.

სიმიინდით საცალო ვაჭრობისათვის დაწესებულ იქნეს საბელმწიფო და კო-ოპერატიული ორგანიზაციებისათვის მაქსიმალური საზღვრითი ზედნართი 10<sup>0</sup>/<sub>100</sub>-ს რაოდენობით ამა დადგენილების § 1-ში აღნიშნულ საგასაცემო ფასებზე.

#### § 3.

რკინის გზიდან დაშორებულ ადგილებში სიმიინდით ვაჭრობის დროს ამა დადგენილების § 1-ში აღნიშნულ საგასაცემო ფასებს უნდა დაემატოს შარა-გზით ტვირთზიდვის ხარჯები მათი ფაქტური რაოდენობის მიხედვით.

#### § 4.

ა/კ. ვაჭრობის სახკომის რწმუნებულის წარმომადგენლებს რესპუბლიკებში, რომელნიც შედიან საქართველოს სოც. საბჭ. რესპუბლიკაში, და ყველა ადგი-ლობრივი აღმასკომის შინა-ვაჭრობის კომისიას ევალება ფიზიკად ადვენოს თვალყური ამა დადგენილების ცხოვრებაში ვატარებას.

#### § 5.

ამა დადგენილების დამრღვევი პასუხისგებაში იქნებიან მიცემულნი თანა-ხმად რესპუბლიკის სისხლის სამართლის კანონებისა.

#### § 6.

დადგენილება ესე ძალაში შედის დღიდან მისი გამოქვეყნებისა.

ა/კ. ვაჭრობის სახკომის რწმუნებული საქართველოში სააკიანი.

ვ.მომწესრიგებელი განყოფილების უფროსის მოადგილე მგალობლიშვილი.

გამოქვეყნებულია ვაზ. „კომუნისტის“ 59 №-ში 1928 წ. მარტის 11.